



Broj: JN06-16-4-29-9/21
Datum: 31.03.2021. godine

Na osnovu člana 64. stav (1) tačka (b), člana 25. i člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14), a na Preporuku Komisije za javne nabavke br. JN06-16-4-29-8/21 od 29.03.2021. godine, u postupku javne nabavke roba – nabavka konzerviranog i suhog svinjskog mesa, upravnik Zavoda za izvršenje krivičnih/kaznenih sankcija BiH **d o n o s i**:

O D L U K U

O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javne nabavke, br. JN06-16-4-29-8/21 od 29.03.2021. godine i Ugovor za javnu nabavku roba, nabavka konzerviranog i suhog svinjskog mesa, dodjeljuje se izabranom ponuđaču MESNA INDUSTRIJA RAKITNO D.O.O., za ponuđenu cijenu od 24.300,00 KM bez PDV-a (28.431,00 KM sa PDV-OM) kao najbolje ocjenjenom ponuđaču.

Član 2.

Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obavješten o izboru najpovoljnije ponude.

Član 3.

Za izvršenje ove Odluke zadužuju se i ovlašćuju Služba za opće, pravne i materijalno-finansijske poslove.

Član 4.

Ova Odluka uputiće se ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke br. JN06-16-4-29/21 od 15.02.2021. godine.

Javna nabavka je provedena putem Otvorenog postupka.

Procijenjena vrijednost javne nabavke bez PDV-a iznosi 32.000,00 KM.

Tenderska dokumentacija i Obavještenje o nabavci br. 24650-1-1-36-3-19/21 su objavljeni 16.02.2021. godine na Portalu javnih nabavki.

Komisija za javne nabavke imenovana je Rješenjem o imenovanju Komisije za javne nabavke br. 01-16-4-585/20 od dana 12.11.2020. godine.

Komisija za javne nabavke je dana 30.03.2021. godine, dostavila Zapisnik o pregledu i ocjeni ponuda, br. JN06-16-4-29-7/21 i Preporuku o izboru najpovoljnijeg ponuđača, br. JN06-16-4-29-8/21 u predmetnom postupku.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjele ponude, o čemu je sačinila odgovarajuće Zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da je blagovremeno zaprimljeno 3 (tri) ponude,
- da nije bilo neblagovremeno zaprimljenih ponuda,
- da su ponude ponuđača Onogošta d.o.o. Sokolac, Mesna industrija Rakitno d.o.o. i Vizion d.o.o. Rogatica, prihvatljive

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije.

U postupku ocjene provedenog postupka, Upravnik Zavoda za izvršenje krivičnih sankcija, pritvora i drugih mjera BiH, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.


Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Na osnovu člana 101. stav (1) tačka d) Zakona o javnim nabavkama („Službeni glasnik BiH“, broj 39/14), protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, lično ili preporučenom poštom. Način izjavljivanja žalbe i sadržaj žalbe su definisani članovima 99. i 105. Zakona o javnim nabavkama („Službeni glasnik BiH“, broj 39/14).

v.d. UPRAVNIK

Siniša Perković



Dostaviti:

1. Komisija za javne nabavke,
2. Onogošt d.o.o. Sokolac,
3. Mesna industrija Rakitno d.o.o.,
4. Vizion d.o.o. Rogatica,
5. U spis